

## **Ba Khasetomo ba SARS ba dirile magato a dipeakanyo tša ditirelo diposong tša mellwaneng nakong ya seteraeke**

**Tshwane, 15 Julae 2022** – Ditirelo tša Motšhelo tša Afrika Borwa (SARS) di rata go tiišetša go bagwebi le baeti gore e dirile magato a dipaekanyo tša ditirelo tša go fapana diposong tša mellwaneng to kgonthiša gore ga go na ditšhitišo tše dintši mo nakong ya seteraeke ka SARS.

SARS e tla kgonthiša gore ditirelo tše di latelago di dula di le gona nako ka moka ya seteraeke:

- Tšweletšo ya ditaodišo e tla tšwela pele bjale ka mehleng;
- Ditlhahlobo tša sebele tša dithoto di tla tšwelapele bjale ka mehleng, gomme sepheto sa tlhahlobo se tla dirwa lefelo le le tee gomme le tla laolwa mo diiring tše 24;
- Kgwebo e dutše e tšwelapele ka magato a sebakanyana ao a beetšwego mabapi le taolelo ya ditefikeiti tša SADC tša setlogo tša dithoto tšeo di sepetšwago mabopong a naga. Lengwalo la tsebišo le phatlaladitšwe le hono la mabapi le se go wepsaete ya SARS.

Ditshepetšo tša mellwaneng di tla sepetšwa bjale ka mehleng ka tirelo ya bašomi bao ba lego gona le thekgo ya baofisiri ba SARS bao ba tšwago go Ofisi Kgolo le dileteng. Bareki ba thlohleletšwa go diriša mabopo a go fapana ge go hlokega. SARS e leka ka maatla go tsebiša begwebi ka magato a peakanyo ao a dirilwego ka lebaka la seteraeke gape le kgontšha thelelo ya kgwebo. Ka kgopelo etela wepsaete ya SARS nako le lano bakeng sa dimphafatšo go makala afe goba afe a SARS goba diposong tša mellwane tšeo di ka bago di tswaletšwe: [Latest on the SARS Industrial action impact | South African Revenue Service](#). Bagwebi bao ba nago le mabaka a ka pejana goba dipotšišo ba ka romela emeile go [OSC@sars.gov.za](mailto:OSC@sars.gov.za)

Go hwetša tshedimošo enngwe, ka kgopelo ikgokaganye le [SarsMedia@sars.gov.za](mailto:SarsMedia@sars.gov.za)